

ՈՒՂԵՐՁ ԱՌ ՆՆՁԵՅԵԱԼՍ.

Սիրտ իմ ընդէր ձայնատու
 Յանկարծ յողբոց երգ զարթնու,
 Եւ զարտատուս վըշտարար
 Սիրէ հեղուլ ի քընար:
 Որպէս որբոյ լալագին
 Կացեալ ի նինջ առ մահճին,
 Խուն ինչ փակեալ զաչս ի քուն
 Յանգորրութիւն իւր ոգւոյն,
 Հարթնու անդէն ողբերգակ
 Յաշխարանացըն նըւագ.
 Կամ որբացեալ վարուժան
 Մօրն առ ի սէր ըղձական,
 Սինչ գեղանին առաւօտ
 Բանայ ըզգէմս անաղօտ,
 Այգուն այգուն ընդ լուսոյն
 Ձարթնու հըծծել զիւր մընչիւն,
 Լացից եւ ես արգ հանգոյն,
 Յիշատակաւ որբոյն,
 Որոց յաւէտ սիրտս ի ցաւ
 Հատեալ ի յողբ մաշեցաւ:

Իբր ըզթառամ աղաղուն
 Տերեւ վարեալ ի հողմոյն,
 Սիրտ իմ թալուկ կենալիք,
 Ո՛հ յիս գընի ընկեցիկ.
 Կամ ալէտանջ ի ծովէ
 Վիժեալ կոհակ մըռնչէ,
 Եւ ես սարսիմ հողմակոծ
 Ընդ յիշատակ մեռելոց:

Ահա շընչէ ի սըլացս
 Հողմ ցըրտագին ի լերանց.
 Բարձրագագաթն օդապարք
 Հեծեն ի գողըս կատարք:
 Ճաճանչագեղ երկնային
 Դէմք ընդ քօղով մըթագնին.
 Ահա լըսեմ ըզմահուն
 Շանթից ահեղ ըզբոմբիւն.
 Տարերք ի գողս ահաբեկ,
 Համայնաջինջ կան ի վէգ:
 Ի գագաթանց սըլացիկ
 Սուզին ի վայր մինչ կաղնիք,
 Եւ թաւահեր ի սաղարթ,
 Ճըռընչեն ծառք հողմատար:

Բըքայորդոր ի հողմոյ
 Խուսեն տերեւք ի ճիւղոյ.
 Ո՞ր թըւեսցէ ըզնոսա,
 Զորըս վարեալ հողմ գընայ:
 Կամ նըկատել արնկոց բոյս,
 Ըզառաւիղս որք ի լոյս
 Վայրահակեալ յարմատոց,
 Թառամեցան հողմակոծ:
 Ըզծաղկատու պաճուճանս
 Մարգք եւ մարմանգք մերկացան.
 Հունձք շահաւէտք ի մանգաղ
 Մըշակին արգ գան ի քաղ:
 Եւ ի հովիտս այս անձուկ,
 Հանգոյն ի դէմս մահացուք
 Ահա տեսի վեր ի վայր
 Շըրջել մահու նետահար,
 Որք ի ծընունդ կենսատու
 Ի գիրկ սիրոյն ըստընտու
 Նախ քան ըզմեղ ծաղկեցան,
 Աստ դեգերել միաբան.
 Որոց դարձեալ ըզկենաց
 Հանին յԱստուած յանդ զընթացս,
 Ըզցօղս աչացս այս ի լոյս
 Խընդրեն ի մէնջ արտատուս:
 Ո՛վ ծուկիք անբիծ ցօղք աչաց,
 Աստէն ի տողս իմ վիժեաց,
 Որք ըզվիմօք գիրկս արկին,
 Արտատուելով ցօղագին.
 Որք անձկալից դողդոջուն
 Առ ցուրտ մահճօքըն մահուն
 Եգին ըզծունր ի շընորհ
 Նընջեցելոյ սուրբ եղբօր:

Ո՛ւր իցեն արգ այնոքիկ,
 Ո՛ւր մահաճինքն առաջինք,
 Ոյց ի շըրթունս վարգագոյն
 Հանգեան պայծառ շողք լուսոյն.
 Ո՛ւր իցէ այն մեր եղբայր,
 Եւ կենակիցն ընդ մեղ յար.
 Եւ ո՛ւր, աւանդ, մայր մանկան,
 Կենդանատուն ըզձական,
 Զօրով ի գութ մայրենի
 Ածէր խընամ սիրալի.
 Զի վայելուչ ի հասակ

Տարեալ՝ լինէր պատանեակ,
 եւ մոռանալ ինք նուաւ
 Կարծէր ըզլիշտ եւ ըզցաւ:
 Զիմրդ, ո՞վ մահ վըշտարար,
 Ըզցողս արկից ի համար
 եւ ըզբողոք համօրէն
 Մահկանացուաց ցանգ ըզքէն,
 Ըզհառաչանս սըրտակաթ
 Շըրթանց յաւէրժ անարատ,
 Որոց սըրտից կարեմէր
 Զերգըս մահու ուսուցեր:
 Կաթիլս ցողոց դուք ջերմիկ
 Յօղեցէք աստ սիրելիք.
 Ի փառս նոցա ըզքընարս
 Լարեալ՝ հարէք ոգեսպառ.
 Զորս դու վարեալ ի յըսպանդ,
 Հաներ մահուան ի սեղան
 Որպէս գառինս բըռնակամ
 Կանխեալ ի զոհ տարաժամ:

Ի յապարանս իշխանի
 Ըզքայլափոխօրդ տեսի,
 Կըշուեալ ըզնետ մահական
 Հարեր փառօքն ի կործան.
 Իբր ըզգըզորդըս ռազմից
 Կործանելոց գահոյից,
 եւ աղաղակք ամբօխին
 Յունկն իմ ի լուր հընչեցին:
 եւ ընդ յարկաւ տընանկին
 Տեսեալ ըզկոյսն որդեծին,
 Պարկեշտասուն նա շուշան
 Սընեալ յանգարդ բուրաստան,
 Գաղտագընաց թաքթաքուր
 Առ նա մըտեր որպէս հիւր,
 Հընչեցին յարկք ի լալիւն
 Յողբոց քոյին գառնագոյն:

Աւանդ իմոց անձկալեաց,
 Աւանդ եղբարց սիրելեաց,
 Որք ի գըրկաց փափկասուն
 Թրուեան յաշխարհ վեհագոյն:
 Ո՛հ սիրտ անարգ ընկեցիկ
 Կայ թառամեալ զերթ ծաղիկ,
 Վաղամեռիկ մանկութիւն
 Թողու զաիոց պերճ արբուն:
 Անդ իբր անպէտ եւ ջախջախ
 Քընարք երգիչք սէր չըքնաղ.

Բեկորք նոցին ցիր եւ ցան
 Ի վայր անկեալ կան կոխան:
 Թաւալգըլոր ընդ երկիր
 Որպէս գերբկաց ծանրակիր
 Ամանակին ի հարուած,
 Վէմք խորտակին ճարտարաց,
 եւ թառամի վայրահակ
 Գերեզմանին այն պըսակ,
 Զոր մայր յորդին սըրտահատ
 Կապէր շիրմին ի ճակատ:
 Հոգիահարշ սէր անանց,
 Հաւատք արդար, յոյս յԱստուած
 Անդէն միայն թեւապար,
 Մաղթեն հանգիստ ամս յամայր:

Սիրեմ գընալ այցելու
 եւ յայն շիրմն անգորբու,
 Որ մենաւոր ընդ նոճեաւ
 Կայ ի կենաց արդ զըրաւ.
 Ուր ըզմաղթանքս սըրտի
 Ի սուրբ սեղան հանէի,
 Ըզմամուստտ վէմ սընգոյր
 Շըրթանցս օծել ի համբոյր,
 Կամ վաղամեռ սիրելոյ
 Առհաւատչեայ իմ սիրոյ
 Ծաղիկս ածել պըսակաւ,
 Սըփուել նորին ըզշիրմաւ:
 Ո՛հ վըշտացեալ աչաց քուն
 Ո՞ տայր յաւէրժ ձեզ հանգոյն:

Քեզ յանձն, Աստուած, կենաց Տէր,
 Ընընջեցեալս առնեմք մեր
 Որք ի յերկրէ թեւաբոյս
 Սլացան յանվերջ ի նոր յոյս
 Որպէս ընդ ծովս ուղեւոր
 Աստէն ի ծուփս երկրաւոր
 Նաւարկելով տարագիր
 Հասին յանմահն ի յերկիր:
 Որոց հորդեալ ընդ ուղին
 եւ կարկուրայք մեր ծըփին,
 Ահա եղբրք մահական
 Հանդէպ աչաց մերկանան,
 Սուղ ինչ աստէն ուղեւոր,
 Հասցուք յաշխարհն ահաւոր: